

մահուն Հեղինեայ՝ Կայսրն 'ի գլուխ եհան զայն գործ եւ արար մեծաւ փառօք նաւակատիս այնր Տաճարի 'ի ձեռն մեծահանգէս ժողովոյ Եպիսկոպոսաց, զորմէ յետոյ : « Անձնաչափ կենարարին Քրիստոսի լայնութիւն տապանափորած վիմին գերիկ և կէս հեռի են 'ի միջի դմբեթին սրբոյ կենարար գերեզմանէն . եւ 'ի վերայ Եկեղեցւոյն , որ շինեալ է 100 կանգուն բարձրութիւն եւ 100 լայնութիւնն՝ բոլոր յայս և յայն կողմն երկոտասան սունք ներքոյ և 12 'ի վերոյ վերնատանն . և յայն վերնատանն գեղարդն եւ սպունգն և սկաւառակն Քրիստոսի պատեալ ոսկւով » . տեսանդ Մովսէս : Այս Տաճար յետ կրելոյ զանազան փոփոխմունս յայլ և յայլ դարս մինչ 'ի վերջին հրկիզումն 1808 . վերին եւ ստորին կամարքն կացեալ էին դարձեալ 'ի վերայ 12 մարմարեայ սեանց և ոմանք եւս զոյգ . այժմեան գմբէթն մեծ ամբառնայ 'ի վերայ 18 թանձր քարեայ մոյթից :

Կանգնեցաւ տաճար 'ի լեռնն Զիթենեաց 'ի տեղի Համբարձման Տեառն յար և նման Տաճարին Ս . Յարութեան , ուր եւ յայտնի սքանչելիք ցուցան . զի 'ի սալայատակել զտաճարն՝ անհնարին եղև շինողաց ծածկել քարամբք զերկու ոտնաչափ տեղիս Քրիստոսի , որպէս և ոչ զմիջնայարկն դմբեթին զուղղահայեաց 'ի նոյն վայր կարացին ծածկել , որով յայտնի եղև ոտնատեղին եւ ճանապարհ վերելից Փրկչին մերոյ 'ի պահու Համբարձման : Կանգուն եկաց Եկեղեցին Համբարձման մինչև ց127 դար , և ապա կործանեցաւ ասէ Լատին պատմիչն 'ի զինուորաց Սուլթանին Եգիպտոսի . ուր յետոյ առաքինի ձեռամբ 'ի պատիւ տեղւոյն շինեցաւ մատուռն գմբէթաւոր ութ անկիւնի մարմարիոն սեամբ և խոյակօք :

Կառուցաւ և տաճար կրկին 'ի վերայ գերեզմանի սուրբ Կուսին Մարիամու 'ի ձորն Գեթսեմանի և միջավայրի աստիճանացն յարեւելք են գերեզմանք Յովակիմայ և Աննայի , եւ յարեւմուտս յանդիման նոցին գերեզման Յովսեփայ Աստուածահայր կոչեցելոյ . 'ի ներքին եկեղեցին , որ պահիցարդ հնութեամբ իւրով , իջանի 48 աստիճանաւ . դիրք եկեղեցւոյն է խաչածեւ կամարակապ առանց գմբէթի , և յարեւելեան բաղլի է գերեզման Ս . Կուսին փոքր գմբէթի .